



**Ofisina Sentral di Statistik**

Informashon : (+599 9) 8392300

Adrès: WTC Building, Piscaderabay s/n

E-mail: [info@cbs.cw](mailto:info@cbs.cw)

Website: [www.cbs.cw](http://www.cbs.cw)

Facebook: cbscur

# **Komunikado pa Prensa**

Willemstad, 21 decèmber 2020

## **Sifra índise di preis pa konsumidó pa luna di novèmber 2020**

### **Desaroyo di preisnan pa konsumidó na Kòrsou pa luna di novèmber 2020**

**For di sifra ku Ofisina Sentral di Statistik (CBS) a publiká awe ta indiká ku e nivel di preis promedio a keda konstante ku esun di luna di novèmber 2020. E sifra di inflashon a baha levemente pa 2,2 porshento.**

*Desaroyo di preis luna di novèmber 2020 kompará ku luna di oktober 2020*


E sifra índise di preis pa konsumidó (CPI, “Consumer Price Index”) di Kòrsou na luna di november a keda igual ku esun di luna di oktober 2020. E la keda konstante na 136,5 na novèmber 2020.

E kambionan di preis spesífiko ku mas a sobresalí durante luna di novèmber 2020 ta; a bira mas karu produktonan di zuivel (+2,6%), suku i chukulati (+2,1%) i kerosine (+1,4%) i lo kual a bira mas barata ta elektrisidat (-3.,1%), awa (-1,6%) i gasoline (-1,5%).

### Desaroyo di preis luna di novèmber 2020 kompará ku luna di novèmber 2019

E CPI di novèmber 2020 (136,5) ta 2,1 porshento mas haltu ku e CPI di novèmber 2019 (133,7). E sifranan aki ta indiká ku e nivel di preis pa konsumidó durante luna di novèmber 2020 ta 2,1% mas haltu kompará ku e mes un luna na 2019. E kategorianan ku a kontribuí mas tantu na e subida aki ta bebida, sigaria, komestibel i salubridat.

### Desaroyo di preis riba término largu: inflashon novèmber 2020



Inflashon ta reflehá pèrdida di balor di sèn, pues di forsa di kompra, dor di subida di preis di produkto i servisio pa e konsumidó riba término largu (usualmente 12 luna). E sifra di inflashon pues ta duna un indikashon di e subida promedio di kosto di bida, i p'esei ta ser rekomendá komo instrumento pa indeksashon di salario, penshun, ònderstant/ benefisio sosial, suèldu mínimo i otro entrada.

Inflashon den un sierto luna ta ser kalkulá dor di komparashon di e CPI promedio di 12 luna den e luna konserní ku e CPI promedio di 12 luna den mes luna e aña anterior. Si kompará e periodo di e último 12 luna te ku novèmber 2020 ku mes periodo un aña anterior, ta resultá ku preisnan na averahe a subi ku 2,2 porshento: e CPI promedio di 12 luna a desaroyá di 131,8 na novèmber 2019 pa 134,7 na novèmber 2020.